

«Муштум» ўзининг ёзишгувчиларнинг самимиятини, дардини яхши биладир. Чунки дард бўлмаса, самимият бўлмаса, биз подачини кўлида калтаги билан кўрмас эдик. Биз бу ўринда шу самимий йўлдошларимизга, кўлдошларимизга, бир-икки огиз гап сотмокчи бўламиз: сиз бир мухитда яшайсиз, яъни кишлокда, шахарда ёки кўйда. Шу ўзингиз яшаган мухитда, шубхасиз, дагаллик бор, кўполлик бор, кингирлик бор, кийшиклик бор. Шу аносири арбаадан кайси бўлса бўлсин, мутаокиб сизнинг ижтимоий рухингизга ўзининг чучмал таъсирини бермай ва нафратингизни уйготмай кўймайдилар. Албатта, шу вақт "Муштум"ни ўйлаб кўлингизга калам оласиз. Аммо шу калам олишдан илгари бирмунча андиша лозимдир: шошмаслик керак. «Шошган киз эрга ёлчимас» маколини балки эшитганингиз бордир. Ўн қарра ўлчаб, бир мартаба кесмок яхши:

- 1) сиз олган мавзунинг ижтимоий ва сиёсий манфаати;
- 2) қош кўйиб, эвазига кўз чиқармайсизми;
- 3) масала замирида шахсий манфаатингиз, яъни олди-берди жан-жалингиз йўқми... Бу жихатдан қаноатингиз том бўлса, энди навбат қаламникидир.

Яхши билиш керакки, қалам — ўқлоғи, матбуот — қетмон бозори эмас. Йўсинсиз равишда хотирага қелган ҳар бир сўздан жумлалар тўқимок фазилат саналмайди. Сўз — қолип, фикр унинг ичига қуйилган гишт бўлсин, кўпчилик ҳумдонидан пишиқ чиққач, янги ҳаёт айвонига асос бўлиб ётсин!..

Сўз сўйлашда ва улардан жумла тузишда узок андиша керак. Ёзувчининг ўзигина тушуниб, бошқаларнинг тушунмаслиғи қатта айб. Асли, ёзувчилик — айтмоқчи бўлган фикрни ҳаммага баробар аңлата билишда, орага аңлашилмовчилик солмасликдир. Бундан бошқа, фикрнинг ифодаси хизматиға ярамаган сўз ва жумлаларға ёзувда асло ўрин берилмаслиғи лозим. Шундағина иборанинг тузатиб босилишиға йўл қўймаган ва мустикал услуб ва ифодаға эға бўлиб, ўзингизнинг қаламдағи истикболингизни таъмин қилган бўласиз. Кишиға ишониш ва беҳуда қучаниш маъқул гап эмас, бировға орқа қилиб, ўзингизда бўлган талантнинг руҳиға фотиҳа ўқий кўрмангиз! Бир қоатда эмас, ўн қоатда ёзиш, бир қайта эмас, ўн қайта тузатиш кишининг ёрдамиға термулишға қарағанда ҳам фойдалиқ, ҳам умидлидир.